

州志「隆變四年彭水縣天降紅雨点人衣盡赤」見四川總志「崇禎十三年安岳縣雨淡紅色着物亦皆紅亦見四川總志此外見諸史籍者尤不勝枚舉

雨雹

廉州素無雹雖白首之人亦罕見者清光緒丙午夏雨雹小者如指大者如卵滿天紛飛而下庭中積起盈寸屋瓦錚錚有聲多破毀離城愈遠則雹愈大損害尤巨東山一帶間有牛畜亦被擊斃者

颶風

廉多颶風清光緒丁未年八月三日颶風忽起入夜愈大潮高數尺沈舟溺人無算有火自東來隨風飛熠樹木皆焦則

民家傾圮田禾盡沒不堪寓目誠巨災也予嘗有詩紀其事
云斷霓飲海水淙淙黑雲遮山如墨濃萬木蕭蕭作濤聲天
乃歛忽作颶風挾以驟雨傾盆至排山倒海勢何雄雷轟電
掣助驕虐憑藉威靈逞狂兇兩儀黯跼那能辨判然有聲騰
空中一聲忽斷又復續一聲乍西又復東山鳴谷應嘯虎豹
雲垂海立驅蛟龍勢若項王戰巨鹿聲如炎帝戰有熊乍疑
星石隕宋野旋訝霰雹墜禪宮天驚石破萬竹裂碎訇欲震
羣耳聾世間變幻原如此忽然狂飈洗蘊隆屋宇傾頽城垣
塌有若銅山應洛鐘淚珠飛下鮫人泣憐火上獨天門紅我
時蜷伏空齋下何堪猛雨打戶窓中宵屋漏榻九徒股慄毛
聳心冲冲夜寒燈火明還滅掩耳且防駭稚童朝來神色恟

恍不得定行人走告尤倥傯或云深林拔巨木或云滄海沈
 行舸沙戶居民忙奔竄胡商賈客悲飄篷獸畜露宿盡湮沒
 紛紛議論無終窮百歲老人皆嘆息眼中未見此灾凶更憐
 西疇遭摧擊金風一夕倒秋種三時胝胼勞火耨千石黍稌
 歸烟空野殍那堪山農哭室罄徒愁婦子容語云救灾賴人
 力詎知人難勝天工羣陰肆虐迭未已豈獨前此蘊孽蟲饑
 民載道可奈何吾且綠章上奏問蒼穹蒼穹高兮難問真夢
 夢吁嗟呼蒼穹高兮難問真夢夢

氣候謠諺

日旰風和明朝再多言朝起風晚和東風急急快披簑笠言東
風急必今年鬼打節颶風無得歇言鬼宿值一發二值二發是
有雨

年如鬼打節則無凡颶風發自北而颶風無廻南必定轉頭探東而南或自北而

隔半年之望矣不廻東閃日頭紅西閃雨重重南閃長江水南一月內必復發

北閃大南風又曰北閃半年北閃眼前閃者電也無怕重陽雨

至怕十三陰重陽下雨晴日必少九月十三陰病人怕肚脹落

雨怕天亮言雨當昏亮春寒春暖春寒言立春寒暖春

晴一春晴春陰一春陰言立春之晴陰雨淋土地頭有四十

日漚土地迴遇雨必驚蟄未凍冷到芒種驚蟄未冷必一年

打兩春黃牛死斷根言年頭立春年尾又清明暗山水無離

坎言清明日天清明谷雨冷死老鼠言非過谷雨三月北風

是雨媒謂多四月北風送雨回謂少五月北風留灰傳謂風

也飛六月北風勾釣船謂船難避風也夏至雷芋頭三只錘言夏至有

也雷則天旱

六月十二瓜棚到地謂風大也西南交秋禾不醜東北交秋海船

好雷劈秋三年無得收言立秋有雷主旱霜降過三朝繞路去尋橋

謂寒難涉水冬在頭賣了錦被置黃牛冬在中十只牛欄九只空

冬在尾十只黃牛九只死言立冬在月中月尾則寒朝三晚七日

午風回不半日子夜翻風日又日言晚晝夜起夜半翻風無

過日不待過日風必息也春甲子禾生兩耳春甲子日夏甲子撐船人

市秋甲子地裂千里冬甲子牛兒凍死

珠官脞錄 卷下

珠官胜錄

丁卯季夏

廖愈簪題

珠官脞錄卷五

許瑞棠輯著

東波移廉

東波移廉州七月四日有記渡合浦曰予自海康適合浦連日大雨橋梁盡壞水無津涯自興廉淨竹院下乘蛋舟渡海卽白石是時六月晦無月碇宿大海中天水相連星河滿天起坐四顧太息曰吾何數乘此險也旣濟徐聞復阨於此乎所撰易書論語皆以自隨而世未有別本附之而嘆曰天未喪是也吾儕必濟

居儕錄

愈上人詩

合浦愈上人以詩名嶺外將訪道南嶽留詩壁上云閒伴

孤雲自在飛東波和其韻孤雲出岫豈求伴錫杖凌空自
要飛爲問庭松尙西指不知老矣幾年歸時公在合浦八
月十日也同上

歐陽晦夫

歐陽晦夫爲石康令東波至廉出其詩稿數十幅又以匹
紙求字爲書乳泉賦及跋梅聖俞詩稿以與之同上

烏嘴犬

蘇長公自僮耳得一犬名烏嘴甚猛而馴隨公遷合浦過
澄邁泅而濟路人皆驚戲作詩曰烏喙本海獒幸爲我之
主食餘已瓠肥終不憂鼎俎晝馴識賓客夜悍爲門戶知
我當北還掉尾喜欲舞跳踐走童僕吐舌喘汗雨長橋不

肯躡徑渡清深浦拍浮似鵝鴨登岸劇虓虎盜肉亦小疵
鞭箠當貫汝再拜謝恩厚天不遣言語何當寄家書黃耳

定乃祖

東坡集

餅筮

劉幾仲餞飲東坡中觴聞筮簫聲杳杳若在雲霄間抑揚
往返粗中音節徐而察之則出於雙餅水火相得自然吟
嘯食頃乃已坐客驚嘆得未曾有

東坡餅筮詩序

茶盃

坡仙移廉州以茶盃贈許君瑤且囑曰無以爲清風明月
之贈盃聊見意耳後爲樞密折彥質所得乃以詩謝許東
坡遺物來歸我兩手摩挲思不窮舉取吾家阿堵物愧無